

四庫全書

集部

欽定四庫全書

僑吳集卷四

元 鄭元祐 撰

五言律

送峽州何學正

夜雨西陵樹春風燕喜亭
學宮資裁正士類仰儀刑
天險開三峽人心繫六經
哀猿月中嘯莫作異鄉聽

送泉州蒙古學正

王制嚴心畫臣工重古人
朝廷政典大嶺海學宮新
番

舶櫝榔唾郵籤荔子塵方言若翻譯誰與計偕陳

送白主簿

牢落慈湖館於今二百年間居仍憫已解易尚成編吾
道乾坤大斯文日月縣何時甬東路入邑拜前賢

簿領慈溪縣遙知徇海濬熬波官賦急扶犢野農淳船
發帆檣曉煙明島嶼春每嫌鳳栖棘咫尺是青旻

次韻虞學士贈趙伯容

王孫有仙骨夢斷鬱輪袍候火溫丹鼎吹笙醉碧桃鳥

母雙蓬鬢鵷雛五色毛人間既腥腐青海樂游翱

寄張宣慰

此老懸車日顏丹髮尚玄由來行樂處須及未衰年令
子工為政諸孫雅尚賢固應歌舞地長見月初圓

貞逸處士

處士生無字端居代有人飛書表貞逸閉戶樂清真生
意萱花曉恩光棣萼春懸知東帛聘側席侍天民

送陸秀才

出鼓江湖柁來食杞菊苗道方行沃壤舟已問歸潮水
浦魚初上春城雪未消思君好溪水鄉夢夜迢迢

義興岳夫人輓歌詞

道豈汙隆易身由潔素全柏舟凌黑浪蓬首戴皇天木
拱終同穴蘭摧不異阡何人紀貞烈留取姓名傳

朱澤民畫

窈窕溪橋路陰森楓樹林岸隨青障轉家在白雲深畫
史分明意山人去住心勞形何日已于此欲投簪

贈永嘉高生

高生永嘉秀秀也實南金學啟麟經祕雛生鳳穴深浪
花迎客棹霜葉變楓林異日巍科掇秋期又盍簪

送范山長

曉色馮公嶺春風慶朔堂親庭白雲外書院碧山傍
雀啄飛花柳鳩鳴結椹桑詩書有世澤簪笏繼朝行

崑山石

崑岡曾蘊玉此石尚含輝龍伯珠璣服仙靈薜荔衣一

汎天景動九節澗苗肥閱世忘吾老蒼寒意未違

虞侍講書乃祖丞相雍公誅蚊賦

父作更生靈兒為命世英西州覩威鳳南國剪長鯨不厭朝廷小終扶日月明誅蚊賦重錄妙墨冠時名

徐良夫畊漁軒遊題

幽館夏初度清林暑氣中開軒對流水坐石待薰風花落烏巾側烏啼山幾空畊漁者誰子散髮奏絲桐

次韻宋春卿

閒貴堂前路於今二十年美人黃土後廢址綠蕪邊顧
我知何已唯公獨歸然春風吹杖屨猶復侍周旋

輓章德懋

博士衫纔綠書生鬢已皤艱難奈行李契闊動哀歌疊
原缺三字在臨池墨尚多邨公有世澤春水洞庭波

贈薛相士

子有唐生術誰如范叔寒知無狼顧骨可有鷗皮冠野
原缺三字嬾春泥曉未乾多君遠相顧不用畫灰看

送何景文

郡國推何武江湖光鄭虔世儒方醞籍詩律尚清妍
宰相原缺二字得文章妙莫傳歸畊釣臺畔早寄白雲篇

鍊雪軒

誰鍊紅爐雪晴雲觥面旋六花吹作乳兩腋欲成仙
蒼壁原缺二字舞松花鱗眼圓如何鬻白石一味舌頭禪

排律

飛龍亭

先帝潛龍日幽人待鶴時青山頻望幸琳館暫來娛寶

篆

原缺二字

昂恩波白玉卮天開六朝地花發萬年枝閃閃

前星夜汪

原缺二字

露私遠符天歷鳳先協石龕龜稽古開

廷閣繙經出講帷

原缺二字

宣室召忽抱鼎湖悲舊邸梅花

落新亭柳線垂至今思

原缺三字

或下雲旂

送徐山長勉之赴慈湖

見說慈溪縣先民有學宮心源推自得已易竟誰通論

道

原缺二字

異朝宗到海同朝窗梅蕊白夜館燭花紅遵渚

三更鴈吟

原缺二字

壁蛩橫經山色裏
覓句雨聲中
官况瓊

何冷詞塲筆最工

原缺二字

還待子金榜日華東

送李舉人克明任教職

職教同時雨郎官等列星
吳區都水監閩國道山亭兩

地頭

字缺

白諸公眼為青身名金玉質
文采鳳凰翎
鼓枻

辭江郡攜

原缺二字

漢廷河山秋肅肅
宮闕曉冥冥
夜月鴻

遵渚秋風馬在垌
江淹初夢筆劉向老傳經
樸棧林千

尺菁莪翠一庭
天邊期中

原缺二字

底任枯榮歸路梅花發

長歌為子聽

送嵇洞玄鍊師雲遊

已躡東遊屨還乘上海槎尋真度弱水招子飯胡麻少

廣蒼

字缺

佩雙成綠髻娛遊芝作葢服食棗如瓜翬乘

觀初日神虛

字缺

幼霞玉笙宵度曲金匱夙抽芽遂把東

皇袂來朝阿母家初平羊已化中散蛭空爬劍蝕緱仍
結尊空石漫窪歸期定何日夜夜卜燈花

輓錢翼之

字法勤書史年勞起校官如何管城子竟老鵝皮冠句

積詩

字缺

重心投酒竿寬刻深吳下石名藹楚卿蘭梅福

身垂老虞翻

字缺

未寒佳兒繼述作留與後人看

輓虞彦高

茗水橫經日長洲筦庫時玄霞散髭鬣白雪吐言詞自

分

原缺二字

拙寧知委吏卑袖籠生物手笏拄看山頤返老

梁溪濫縣

原缺二字

麓陞溫言恒侃侃孺樂更怡怡竹色賓

階潤花陰戶屢移

原缺二字

求古刻踰浙致名師夜雨連書

屋春風動講帷扣舷吳

原缺三字

茗李紳祠政以孤踪淡誰

令二豎持古心空似月

字缺裏鬢

原缺二字

白日誠難挽皇天

不愁遺士林紛雨泣絮酒諒神知丹旄

原缺二字

慘青林磴

道危可無千字誄因賦八哀詩

送劉廷美待聘

文皇南面日劉楚北游時抗疏三公府高名四海知近
臣推得士公論果無私坐置昌平策歸尋后土祠仲容
為姪好王述豈人癡驥子難籠絡鵷雛足羽儀氣紆商

女怨賦解洛神悲淮左辭攀桂商顏罷茹芝長裾今已
曳好爵固應縻送子難為別西門折柳枝

送楊季常山長

楊子譚經處吳公學道祠宮牆紅靡靡庭篠綠差差演
迤詩書澤冲融雨露私草玄心獨苦稽古力難裨二載
平生學諸生去後思簡書猶用試匠石詎能遺霧豹方
深隱雲鵬豈後時會看清白吏勲業著常旂

挽潘祥卿

已佩官箴肅人推吏議精筆鋒迴雅道經術讞疑情孝
悌居無忝公廉志夙成家移山郭住祿代石田畊晚謝
蕪湖幕恩留攜李城湖山容佚老蓬藿足逃名藉草拋
書卷看雲把酒觥陽坡秋種菊畫舫夜彈箏既已忘榮
辱方知外死生嶢嶢墓頭石百世保麻貞

劉母丁夫人輓詞

忠養兒能孝居官不患貧長言遠遊客兼是未亡人主
績機恒紡尸饗饌必親課孫裨缺學為子欵佳賓蓮幙

方圖養蓉城忽返真兩雛悲塌翼諸友為沾巾淚斷枯
魚索愁凝繡鵲茵佳城瘞何日瞻望極酸辛

七言律

奉柳太常道傳

烏蜀先生雙髻絲尊鱸江上故園思水光閃閃金壺墨
石理硜硜玉佩辭水落魚龍秋不雨月明烏鵲夜無枝
名山蚤選藏書穴趁取蒲輪未召時

送貢司業泰甫

代祀躬趨黃木灣歸朝仍綴紫宸班識高京兆囊封後
道在河汾戶屢間迎日講筵瞻鳳扆顧天經術動龍顏
異時歸窆藏書穴好在南湖疊嶂山

送泰兼善總兵

大帥樓船過淞東軍聲肅肅峭寒中令嚴虎帳中天日
威息鯨波萬里風蠻徼盡驚衰草白極南遙湧壽星紅
道山宮闕多仙聖預啟瑤編錄雋功

寄雲南蕭元帥

南望元戎玉帳寒
炎炎挂海息狂瀾
牽獅入貢金連索
騎象來朝罽織鞍
丞相渡瀘先鬢白
將軍標柱獨心丹
春波洄盡思霖雨
箕畢星纏夜夜看

送許具瞻進士

純孝淵淵許子將
身遷父樞脫煙煬
遂登龍虎黃金榜
便綰鵷鸞紫荷囊
山水窟中民訟簡
絃歌聲裏晝陰長
聖朝南面求賢切
佇見才名上廟堂

寄潘子素文學

與子同庚命不同悠悠江海異窮通
潛鱗易借風雲力朽枿難論雨露功
欲進老人圯上履可孤焦尾嶧陽桐
河陽縣裏花千樹不借孤芳一朵紅

次韻顧仁夫得代

君房未歷金華省潘岳猶居散騎營
秋水紅蓮能自採春愁白髮為誰生
夢驚里閨三年別歸載圖書一舸輕
野老淒涼遲吾去更誰虛左日相迎

次韻贈完顏子中

紫誥黃麻疊綰歸棣花香裏拜庭闈聖經教子無金埒
憲節傳家有繡衣佳句易增詩篋重故人難會酒行稀
願從菰米鱸魚國醉把黃花莫暫違

寄楊士可巡檢

警邏深山行夕嵐日嚴笳鼓罷幽探坐中拄笏知非據
馬上彎弓想漸諳桃葉長年思共渡菊英何日采盈甌
楊雄干柱華榱宅只在輝輝北斗南

蔡孝子廬墓

三十六峯雲氣深墓廬何處得相尋青山當戶哀哀哭
白日孤光黯黯沉馴虎欲嗥風落石棲鳥不定月穿林
三年泣血誰相問瀟瀟寒泉礪下音

錢道士游山

綠髮飄蕭禮上玄明皇遙隔絳河邊香消楚澤春風佩
愁入湘城夜雨絃素手不將條脫贈綺疏惟把步虛編
西神峯頂飛霞觀小駐鸞笙五百年

栖碧亭為葉幼武賦

華家池館堠山南但見喬木翠

原缺二字

金波影裏魚鱗屋

玉佩聲中麈尾譚黃

原缺二字

雲連

字缺

岫

字缺

飛花雨撲煙嵐

漁郎一別桃源路回首春風雪滿簪

芸齋

博士齋居芸草香青編不復蠹魚傷能窮腹裏書三篋
敢望身前笏滿牀雨屋篝風驚鶴夢月窗展卷淡螢光
孔門休用平生學綠髮應須佐世康

園隱

麻姑山下地仙家
諼草春深賸著花
雉雉逐雌催刈麥
鳴鳩呼雨課鋤瓜
放歌不厭牛親飮
對客何妨虱屢爬
一夜南坡雷雨作
竹萌迸地蕨抽芽

宣城姚秀才棄舉業為道士於昇州

娟娟月出敬亭山
曾照書聲竹樹間
淡墨何須題鴈塔
扁舟先已過龍灣
仙人觀闕雲端見
帝子笙簫月下還
水驛花開笑相問
澹波誰是白鷗閒

至元丁丑夏五宣城汪叔敬吳人干壽道丹丘柯敬

仲國人泰兼善同僕遊天平次往靈巖有作奉和
西望層巒草木青魏公祠下拜儀刑經綸有策迴天地
憂樂無時忘闕庭異代蒸嘗遵典禮故山香火下神靈
浮雲變滅知何在間聽松風語塔鈴

右天平魏公祠

吳王宮闕草萋萋飛閣重登意轉迷洗硯池邊雲欲暝
拜郊臺上日平西湖涵遠浪千帆沒樹響悲風一鶻棲
江海鷗夷招不返荒煙野水鷗鷺啼

右靈巖涵空閣

送樂鼎儀歸東平

岱宗高人帝青寒策馬東歸不厭看一變便興周禮樂
兩生那識漢衣冠雨休樹下碑仍在雪起封中玉未刊
更上靈光殿基望冥冥鴻鵠有修翰

送季山甫慈湖教諭

季子揚鈴之甬東慈湖應與暮潮通豚吹野岸楊花白
鳩食桑林樵子紅遺老應傳義易說先民誰繼日鈔功
東吳寓叟頭全白目送孤雲沒斷鴻

和宇文子貞見寄

別來見話幽人屋此去當扶野老筇涇底魚肥春欲上
牆陰薺嫩雪猶封齋庖不輟頻炊釜山屐應留屢舞蹤
它日孫依外家學書籤題墨寫教濃

送林道士歸溫

鴈蕩行雲生翠微東還行李正駢駢松矜日老當秋發
鶴養雛成待客歸珠斗影寒瑤玉珮繡雲香積紫煙衣
懸知夜禮虛皇罷宴坐朝元意不違

遊嘉定道院

芙蓉洲上集仙宮，環珮聲聞縹緲中。
桂閣吹香天樂下，稻田疏脈海潮通。
呼龍起舞迎初日，跨鶴歸來御晚風。
大藥已成金鼎墮，丹光猶得兆年豐。

春寒

春寒峭峭過王師，都出南門送鼓旗。
嶺海鯨鯢就誅日，江湖鴻鴈欲歸時。
參差帆葉開溪舫，顛倒梅花落硯池。
多病杜陵頭白盡，每因送客賦新詩。

送葛奏差赴閩

天子分符鎮七閩元戎建旆拂三辰
荔花蜂采千崖蜜榕樹鶯啼二月春
吏署看山時拄笏使輶飛鞚不驚塵
南來勾漏丹砂訣

字缺

愛溪邊白鹿馴

廬山圖

潯陽郭裏望廬山日出千峯紫翠間
煙樹近同蠻井絡風帆遙認楚鄉關
匡仙抱鶴巖頭放李白騎鯨海上還
却向畫圖求仿佛菖蒲花老石苔斑

題程國表妻墓碣

太末溪頭送夫婿祝郎戰勝早歸來
龍光暫漏金閨籍
鸞影先分玉鏡臺
兒女淚痕宵泣血
杯圈口澤歲興衰
它年墓道焚黃日
銘碣悲涼首重迴

陳母張安人輓辭

延陵陳母具柔慈
訓子成名鬢亦絲
樓護起家元自蚤
馮勤補袞不嫌遲
旨甘每却熬波味
燕響長懷剪髮思
來拜恩封先已沒
後來阡表有餘悲

輓楊九玄

虎丘山下有孤墳曾識譚經楊子雲夢落江湖仍聽雨
魂字缺泉壤亦修文家山路遠聽猿淚書傳香留辟蠹芸
況有佳兒能力學草玄猶足繼前聞

賓月樓

最愛香山賓月樓清光全得太湖秋魚龍出向初筵舞
蟾兔來從上客遊凝閣綠苔須士賦委波金鏡屬誰收
江山千古才情在牛渚何人獨獻酬

知音亭

亭院日長深復深高山流水思悵悵曲中別鶴啼清怨
樹底薰風養綠陰激楚忽聞機裂帛懷人又見冶鎔金
能言萬籟無南郭隱几形閒孰賞音

聽雨樓

字缺愛滄江聽雨眠不應愁絕似今年建瓴長恐崩高屋

鍊石徒

原缺二字

漏天響入北廊葭菼亂濕增倚壁薜蘿牽

白頭倦客孤蓬

原缺二字

想躬畊有石田

趙季文茶屋

原缺三字

屋傍池開謾謾叢筠帶雨栽窗雪曉晴雞誤唱炊

煙帶

原缺三字

來醉猶燒燭親黃卷靜愛飛花點綠苔尊酒

久違真寂

原缺三字

啼上越王臺

薛玄卿鶴齋

原缺三字

保已登雲留得青田貌後真烏母督仙須顯駕羽

車駢

原缺三字

人聽經香案孤撐雪啄菌瑤階每遇春遲子

吹笙明月

原缺二字

砂乞與頂頭巾

次韻寄顏元卿院判

原缺
二字

空懸蘸甲瓢一燈孤館夜寥寥鴈寒猶下滄洲宿

地暖何

原缺
二字

霧消長笛一聲推趙嘏衮衣三世屬文饒

看雲早晚摩天

原缺
二字

爾青雲萬里遙

寄奉兼善總制

征鳳鮮于專節制戮鯨王式任偏裨長江謾擊中流楫
落日方懸大將旗夜泣寒機嫠擲緯朝粧明鏡女揚眉
丈夫身在難乾

字缺

三秀煌煌是紫芝

和吳宗師寄張貞居

齊老堂前煙樹空真人錫類坐神宮一縑今賚高年帛
重壤驚迴禿髮翁琳館花殘春欲雨石壇松老夜多風
遙思問道崆峒處都在衢尊盞盎中

和薩天錫留別張貞居寄倪元鎮

梁溪歲暮若為情溪上梅花待曉晴
徑雪冷埋山屐齒簷冰夜墮石牀聲
內篇攜向松根讀如意持將竹裏行
短晷何能理幽事南窗剪燭話寒更

次韻薛真人賀吳宗師壽辰

臣工袒割紫鱗舫辭藻輝飛白玉堂五色雲中扶日轂
九霞杯裏酌天漿又從禹範開皇極重拾堯奠紀歲陽
古桂長承新雨露綿綿根柢發天香

壽春官達郎中

清油幕下紫薇開身總羣網儼上台桂海已聞京觀築

越裳還

字缺

貢琛來詩書未與秋搖落刀尺難從世剗裁

廊廟棟梁須致

字缺

貞松合抱是良材

次韻王李野北歸

原缺
二字

黃髯萬里歸腰如開國待庠園樓前花似琴臺發

江上魚

原缺
三字

肥蠻井遠民茶稅急槐陰燕席酒觥飛名

勲莫負傳家

原缺
二字

盡青雲立綉衣

原缺
二字

承恩日下歸小山堂上錦香圍百壺寫淥方論醉

五鼎饗

原缺
二字

厭肥聽琴池魚衝浪出寄書籠鶴傍雲飛

茜袍色映輕裘

原缺
三字

夫人手製衣

歲暮感事

原缺
二字

風雪苦陰寒民庶逋租悉繫官破蕩未充狼虎欲

係累只


原缺二字

牛看何人肯破楊城械有客空彈貢禹冠

上力已窮民力

字缺

腐儒頭白淚闌干



僑吳集卷四

龍門峯寧倚天開點額神魚幾度來雲起區中成五色
星從闕角見三台更無鐵限嗤山鬼可有金鋪上石苔
李范黨同勲業異御車千古意悠哉

天池

立石如雲不待鞭兀臨池水看青天下潛靈物疑無底
倚漑山蹊似有年刺水翠苗霜後在舞風珠樹月中懸
太湖萬頃應凡濁闕此泓渟一勺泉

寄鄭長卿

吾宗自昔有升沈况復姬嬴遠至今世訝孫枝發枯蘖
人推祖德返遺金螭頭未必雲縈佩谷口何嫌雪滿簪
自恨衰年多病苦藥囊時乞細探尋

壽李廉使

立秋三日是生申督饒功高海若馴金節已懸巖下露
繡衣仍應日邊春久從隸古森波磔復向心源揖聖神
野老願留吳下住一新漕政荅鴻鈞

寄于彥成高士

文鋒久淬礪，鵜膏鞍甲藏。
身百戰鏖王，薄宅前春載酒。
李紳祠下醉，揮毫鄉關未覺東。
林遠光燄終如北斗高。
儒老感君難報稱，黃金隨力鑄韋臯。

送郝遵道北歸

汴河千里鴈南飛，吳下孤颿又北歸。
竹素殘編無世味，蒯緱孤劍有星輝。
茗堯使節弓旌近，迤邐神州草木稀。
想見瓊軒恭對日，黃金臺上雪霏霏。

次韻劉憲副春日湖上有感四首

庾信哀多賦漫成江南文物久晨星市衢火後蒿橫目
民舍春來草滿庭浪齧湖堤官柳盡沙填江浦夜潮腥
歸來何異遼東鶴只有西山慰眼青

湖水西邊舊是家春風繞屋種梅花傳聞故老談前日
愛教仙人服幼霞鶴老離巢松化石鸞孤照水竹穿沙
只今重到經行處憔悴蕭郎兩鬢華

潮落空城誰重過猶餘里耳聽鳴珂襄陽耆舊知誰在
江左風流不厭多自見石麟眠枳棘長聞蜀魄叫松蘿

野梅開盡西湖雪萬斛春愁奈爾何

湖水荒荒寒食天相逢猶話國初年紅樓夜唱花間席
翠管春吹月下船玄圃自應留富麗湘雲誰為惜清妍
可憐頭白歸來日井邑淒涼藹白煙

次韻錢伯行遊仙

海定初風湛綠羅仙人詞藻寄來多貫珠音在雲誰過
琢玉文成手自磨霄漢畫橋嘗有會崑崙黃竹漫成歌
可憐人世書帋手池上猶籠道士鵞

送章心遠道士入閩

風日晴縑楊柳青翩然獨鶴過南溟
山中每憶羅公遠海上重逢武達靈
榕葉擁雲山似簇螭房烹玉酒初醒
小冠子夏如相問為道窮愁老一經

送劉宗師入覲次虞學士韻

羽輪暫別大茅峯又御青冥萬里風
月帔引朝宣德殿雲韶賜宴集靈宮
懸知漢室龍顏主似見商巖鶴髮翁
便使圖形在麟閣閒心只愛白雲中

送劉年基高士還江東兼東張一無

劒寒秋水客東歸
堂上慈親白髮稀
櫺具定無璫玉璫
綫痕猶是紫煙衣
蜂營崖蜜花爭發
鹿養春茸蕨正肥
自古山林有甘隴
何妨物色報春暉

為問江東張道士
著書還了致桑篇
江湖冷落番君老
雲漢昭回象帝先
芋火夜煨霜後葉
菜庖朝汲澗中泉
相依共住知何日
孤鶴東還意惘然

寄貞居張儒仙

露冷玄洲草木疎
硯泉分得澗循除
鉤題石記脩人表
筆削山經作志書
丹鼎曉溫松節酒
茗甌春點菊苗蘊
殘骸若有登真分
亦欲西遊候羽車

簡張仲舉待制

宵占兩兩使星東
川后迎恩啟闕宮
海上天燈懸寶月
帷中神語颯冷風
雲團芝蓋香煙直
春入衢尊酒味同
况是詞臣工致祝
鯨波永息歲恒豐

送錢思復之東嘉

校官東上斗城時水落高灘舟楫遲造化縱憑修月斧
文章須是表忠碑齋庖近晝空彈缺詩說窮源屢解頤
來歲秋闈戰仍捷桂林折取最高枝

贈柯敬仲次王止善韻

楚天鴻鴈白雲秋歸臥滄江看水流莫問湘纍王子宿
且同新息賈胡留山林不返趨朝夢道路難為築室謀
莫遣虹光貫明月眠波帖下有沙鷗

喜雪寄達監司次壽道韻

去年南國暖如蒸歲盡猶多撲緣蠅直恐蛇神司有厲
可須麟筆紀無冰元勳復相調金鉉稔歲恒占應玉繩
佇聽賡歌繼幽雅萬年枝上日東升

正自風流謔白雪何須辛苦賦青蠅成章霧豹方依穴
鼓枻神魚欲上冰劒具寒侵瑤玉璫宮懸冰直綵絨繩
枯鱗望活西江水涸轍何因有斗升

釣月

簞竹裁竿拂帝青山河影裏夜亭亭坐乾草際沾衣露

掣得波間在留星巨桴可應投貝闕長絲便欲繫天經
清光照徹磻溪叟方看霓裳舞廣庭

梧桐月

露下秋陰洗夜光
輓轡哀響度銀牀
蒼龍出井獻沉璧
青女抱琴彈履霜
鵲繞暗知河漢近
鳳栖明見羽毛張
寶釵擊罷宮娥老
一曲霓裳淚數行

送李秀才歸越

躡屩東歸度浙河
越山無數綰青螺
森森南國春秋學

嫋嫋西風子夜歌
潮湧月輪丹桂近
山環親舍白雲多
明年春捷靈光殿
遠聽鳴騶駐玉珂

贈朱君復秀士

松陵驛裏雨騷騷
翦拂誰甄汗馬勞
扁石呼兒朝授簡
疎櫺啟帙夜焚膏
不因聖藥無熊膽
每為神山有鳳毛
老我江湖讀書眼
會看攀桂月輪高

送白治中之徽州

高下溪聲三百灘
好山高入帝青寒
雄藩擇牧金投冶

別駕行春錦覆鞍
茶焙香銷芽尚採
硯坑雲冷石仍刊
殘民久望詩書澤
闕里遺編墨未乾

輓順義貞惠公

朔漢人豪貞惠公
策勲元自不酬功
自從虎旅平南服
眼見龍旂捲北風
庭有芝蘭更種植
老登槐棘保初終
只今太史修臣傳
應有幽光發閼宮

次韻吳宗師題大滌洞郎師房

一菴閒地足神仙
能駐人間大小年
赤鯁夜飛丹井月

紫鸞春步米苗田山經我欲紬金匱畫漏時聞滴寶蓮
便駕飈輪上天柱不辭身倚帝青邊

寄宛丘趙祭酒

當陽聖主重師臣妙選儒宗贊大鈞神格西離夔典樂
名高北斗愈垂紳金繩著鈕編珠貝瑤草紆花毓鳳麟
老我釣綸江海上烟波空愛白鷗馴

題海運省官卷

省幙分賢佐上台

原缺二字

渥仗出羣材九年鵬翼乘雲上

萬斛龍驤破浪開已見清風生白簡便朝紅日詣金臺
美哉王度開元化政藉羣公翊戴來

謝劉廷幹漕使饋肉

瑣屑魚蝦不厭腥驚聞一轡到齋局齋腸久斷聞韶味
蒿目愁看在留星破履尚圖兒致養解頤空對客談經
西風峭急江湖晚何處充飢有楚萍

王本齋叅政輓辭

甘棠港口咽寒潮帝促明公黼袞朝已有旂常昭日月

却騎箕尾上雲霄北風吸歎年華盡南國淒涼士氣銷
便欲一為天下慟英魂不用楚詞招

題鍾紹京書靈飛經

匣裏鍾郎六甲經虹光夜夜射天星使來海上持龍節
駕下雲端拾鳳翎金母度祠黃帝錄玉真按筆紫皇聽
玉真睿宗第四女
為女冠監書此經勤修苦煉資輕舉濯足明河上九青

簡金伯祥高士

瞻雲西邁思悠然過雨羣峯紫翠連兒子劬書能繼業

羽人接袂且談玄可無海上安期棗更有山頭太華蓮
便駕飈輪脫塵網劫灰不到鬱藍天

贈張月庭道士

為愛中庭月一方坐看河漢轉蒼蒼山河影在無圓缺
漏刻聲中有短長靈藥杵風金兔伏桂花霏雪綵鸞翔
廣寒原是栖真地歌引霓裳入醉鄉

次倪元鎮韻寄剛中

縹緲陳王湖裏寺琮琤鄭老竹間棋每因海月叅心鏡

却笑茶煙裊鬢絲墨漬尚噴龍尾滑酒酣方憶虎頭癡
論文未極終宵話且讓韓山一片碑

和潘子素宿倪元鎮宅送張貞居還茅山

扣舷溪子發陽阿落葉霜林見鳥窠清閭閣前春意早
蕭梁臺上月明多傾膽鳴鴈嵇中散仰視飛鳶馬伏波
對酒息思千古事潘郎刺促為誰歌

游仙和陳敬初

綠髮飄蕭禮上玄明星遙隔絳河邊香銷楚澤春風珮

愁入湘娥夜雨絃素手不將條脫贈綺疏惟把步虛編
西神峯頂栖霞觀小駐鸞笙五百年

杭州即事

瓦礫堆堆塞路坳勝游巷陌盡蓬蒿祠宮地卧駝鳴圖
祕殿春局馬矢臊山色無如今度慘潮頭可似昔時高
王師貴在能安集豈必兵行血漬刀

往來都是石尤風身境俱忘逆順同鏡裏轉增雙鬢白
花前仍是小桃紅莫驚天地軍麾滿尚喜江湖客棹通

楊柳吹綿春又暮賦詩愁殺杜陵翁

元宵懷錢塘

武帝親迎太乙神流光絢煜動星辰行宮典禮猶存漢
軹道山河已易秦香逕至今啼木客露盤無淚泣金人
紅燈幾點東風裏猶是元宵一度春

送蕭萬戶西歸

將軍旗鼓鎮西州六詔猖狂一戰收餘墨朝猶磨楯鼻
重環夜已附刀頭歸朝却獻王褒頌去國惟存季子裘

醉裏相逢歌按劒滄江斜日水悠悠

和成居竹寄張天民

白骨自應無葬地青山可復有遺民何時得返屠羊肆
古廟無慚刺虎人製錦邑中推令子聽經池上躍修鱗
綠雲洞裏遺編在修省加工莫厭頻

次韻答玉山

扁舟不亂白鷗羣又復移家入水雲載酒可無人問字
揮毫故有客書帑荒涼漢室銅盤淚剝落周宣石鼓文

猶藉顧循能慰藉江湖冷落見番君

贈岑醫士

經絡多岐脈貫身顛厓性命屬誰伸如生獨得岐黃秘
起死能兼郭華神龍獻古方長繫肘虎巡熟杏不傷人
懸知此道無疵吝花發鶯啼到處春

寄吳江知州千壽道

熙熙愛日仰高亭亭外天寒渚柏青曉駕朱轡理公事
夜燒銀燭校餘經炊煙白際魚龍國野稻黃鋪鴈鷺汀

三載政成儒術驗玉堂親擢暫須停

送唐學錄歸新安

冷落齋宮齋繞牆歸橈不待渚芹香
新炊旋出灘邊碓
弊笥仍懸礪下梁雲氣欲晴山繞屋
書聲向曉月窺牀
斯文三世研磨力破硯於今政寶藏

送任學錄歸松江

海邊委却釣鰲竿鼓篋來吳佐學官
糾錄盡推經術邃
藏修不厭客氈寒
蓬窗夜聽兼葭雨
齋饌朝食苜蓿盤

三載賦歸春欲暮柳花如雪暗江干

送毛彥昭歸三衢

載雪曾過太末溪天寒沙石淨無泥
碓舂白粲連灘聳橘墜紅金壓樹低
水驛燈明驚見鴈蓬窗酒醒忽聞雞
龜峯記在君歸讀異日春風聽馬蹄

送沈仲說遊杭

錢唐湖上水西頭歷歷山人舊
釣游相府猶餘秋水觀酒旗多掛夕陽樓
春喧車馬松間寺夜載笙歌月下舟

見說於今總消歇休文到日重淒愁

舒穆魯萬戶輓辭

提師海上戮奔鯨玉帳宵寒隕大星
缺馬嘶風秋雨暗天狼殷斧夜潮腥
常時仗鉞今傳劔前度平蠻未勒銘
愁見城陰練卒處三軍泪灑燒痕青

潘子素翠雨亭

竹梧亭子翠珊珊人在空濛煙雨間
春暮但聞鶯百轉秋陰每見鶴孤還
且看樹頂遙峯碧莫踏苔花滴露斑

如此林居不歸去高情誰與共蕭閒

楊鐵厓新居書畫船亭

草玄心苦思如何艤岸舟輕不動波聽雨夜蓬燒燭短
截雲湘竹噴愁多賦成猶夢橫江鶴書罷應龍汎渚鷺
想見後堂涼月白彭宣腸斷雪兒歌

張伯雨精舍吟

翩翩風流江海姿青山滿眼空遐思圮橋授書帝者佐
襄城問道天為師題扇書帟莫相惱傳符繼錄容何辭

願逐西飛白雲去滄江斜日吹參差

復見心豫章山房

豫章拔地即參天突兀山房樟樹邊僧占綠陰開戶牖
境因黃落見山川神機觸破栽培力佛慧看空大小年
一自龍駒踏人後交柯密葉正駢駢

趙子期尚書小瀛州

粉署煌煌閃幼霞道山宮闕宰衡家碧梧每集朝陽鳳
瑞露長滋夜合花風裏槐音聞奏樂秋來星彩驗乘槎

十洲多是神仙宅誰識溪真尚浣紗

題曹松逕家譜

三逕雖荒松尚存東川遺老識清門秋香歲發庭前桂
霞氣朝升屋角暎春雨丘園花結子夜潮溝洫浪留痕
留停戶屢知多少但說師嚴道並尊

雲槎

崑崙河源不易窮靈槎萬里待秋風載雲欲問成都卜
持節知成博望功既犯星辰上天漢盍為霖雨佐年豐

如何旅泊嚴陵里只掛詩囊與釣筒

次韻沈存齋見寄

八詠樓前藻思新白鷗波上最情親詩盟有喜諸君在
情話無如野老真歷代寶歸金匱鑰重山光吐器車銀
丁寧笠澤烟波上留取珊瑚拂釣綸

送千壽道知州婺源

百灘春水不容舸灘上春紅發小桃龍尾磨雲濡判筆
魚須抽雪映宮袍神杉樹密鴉啼晚仙舍山深月出高

使節梅花香裏過，幼霞初日即巖壑。

送楊季民采詩還江西

悲涼南國采詩歸，大雅寥寥入譜稀。
白馬尚誰歌有容，繡裳猶自賦無衣。
離鸞顧影秋彈瑟，舞鳳銜梭夜織機。
輯錄已成垂世教，珊瑚枝上看朝暉。

送李秀才鄉舉

秋風又復度宮槐，文采何人似爾佳。
月擁素娥迎學子，桂搖金果散天街。
劍光出匣驚時字筆，陣翻雲寫壯懷。

從此圖南展鵬翼橫飛溟滓渺津涯

輓慎獨陳叔方

詩書世緒傳家久金石交情舉世稀道在人弘不遠復
子依父葬表全歸忍將完璧埋黃壤賴有堅珉立翠微
自恨居貧乏一祭猶憑絮酒哭斜暉

贈張景亮仕回

投老何曾畏簡書青山元不負吾廬魚須久疊牀頭笏
馬軌新懸屋角車翠被春寒聽雨睡白頭日午趁風梳

好官付與諸郎做千古封留意有餘

春遊石湖

越來溪上水融融閒鷺鴦夷棹底風暖霧黃消治平寺
燒痕青入館娃宮笙歌作樂年年少魚鳥關情處處同
吊古從來易興感尚循華髮繫孤蓬

遊支硎南峯

詞客幽尋勝洞庭神僧名跡在支硎馬騎仄徑猶存石
鶴放顛厓尚有亭巖底泉飛輕練白峯頭龕蝕古苔青

到來頓醒紅塵夢萬樹松濤沸紫冥

送方養心遊茅山寄貞居外史

天上仙真騎虎還山中宰相著書閒神明祕典抽金匱
早晚恩言下玉關風磴入雲芒屨冷松花滿地木畦慳
願隨君去攜薪水猶得栖遲澗壑間

至正三年癸未冬辜月廿六日貞居由荆溪過
林下留旬有三日為寫雲林蕭散圖併賦長
句書其上留別

人間契闊六年餘清夜迎船過隱居寒日當堦散霜雪
踈簞繞壁韻笙竽燒香遂入維摩室振席閒研老氏書
久識先生有仙骨莫年服食轉清虛

六月六日初度有感

三十六陂空似昔荷花荷葉待誰看星辰不合躔龍尾
性命何嫌似鼠肝盤石處安心不轉蓼莪繞說汨難乾
晚來惟有牆頭月依舊清輝照鷗冠

嘉潘總戎征南回

萬里乘輅出帝城涉波南海斬奔鯨回轅不困壺中隱
乘棹來尋谷口畊尚可班荆談智畧何嫌拾芥取功名
更吹簫管揚州去莫遣春愁白髮生

送蕭萬戶還蜀

總戎西蜀幾經年從事誰令爾獨賢躍馬莫矜橫槊賦
聞雞不道枕戈眠韜藏寶劍塵生匣愛惜琯弓夜弛弦
歸到閬州三月盡江花如錦照行韉

百丈牽江詣閬州旌旗擁接舊君侯按行貔虎千巖戍

蹴踏魚龍萬里流，奪錦亭園花陣雨。
離堆記積蘚痕，秋平生謾有相如掇。
拏手何時作勝遊。

次倪元鎮見寄

穴牆薜荔根株懸，倒架蒲萄藤蔓牽。
非無洛下先生屋，須得卬朔錄事錢。
鴻鴈天高青不雨，鵲鴿沙晚白生烟。
松雲隱屋結構未，何日書來解榻眠。

元鎮畫

倪郎作畫如斲冰，濁以淨之而獨清。
溪寒沙瘦既無滓，

石剝樹皴能有情珊瑚忽從鐵網出瑤草乃向齋房生
譬則飲酒不求醉政自與物無虧成

贈篆刻朱生盛

子刻印如刻秋濤轉摺變化手縱操螭扁神凝李斯篆
冑綮妙悟庖丁刀漢章舊制蟠龜鈕魏武新書閼虎韜
太史周南縱留滯劒文仍欲洗金膏

排律

送達兼善祕書

木天高拱夜何其翠被初寒更漏遲上帝錄書藏紫禁
貴神然火出青藜縣知策府稽諏處預想虞廷獻納時
厚報亟盈茶薺頌湛恩心寫蓼蕭詩豈徒述作矜雄豔
政以都人啟蔽虧國典每濡雙賜筆寵光長發萬年枝
從容寶鼎開金鏡縹緲祥烟度玉墀儒術致君還有道
皇明鑒物本無私廟謨已發羣生秘巖穴寧令一士遺
歌詠太平還有日腐儒頭白在茅茨

送吳平章

聖君圖治思黃髮國老除書下紫宸身喜園腰虹玉重
眼明補袞色絲勻乞言應笑桓榮陋濟美誰如鄭武頻
阿閣近天鳴采鳳恩波澤物到枯鱗錫書每啟金華秘
賜饌時分玉食珍出處豈惟關世運旬宣何以布皇仁
門人莫惜狂論事馭吏何妨醉吐茵豈但勲名夸衆口
太常旂上是三辰

送林照磨之越

朱甍翼翼小蓬來秋水芙蓉次第開真宰不遺生物意

參謀須籍出羣材風生幕府文書靜月轉城樓畫角催
喝道莫驚劉寵廟賦詩還上越王臺鑑湖水漲陂間稻
禹穴雲荒石上苔土有茶芽方入貢陵無麥飯孰興哀
齊民慊惻知何已此日登臨亦快哉日脚簫韶天姥下
潮頭旗鼓孝娥來神人驩喜檣風順溪上千帆往復迴
盛氏野秀堂

野秀堂前湖水綠繞湖千嶂列簷阿岸花隔浦飛紅雨
林木含風擁翠波酒醒忽持如意舞詩成或擊唾壺歌

絕憐吹絮翻金鯽更愛將雛睡白鷺鄰艇卸帆繩擲布
田扉邀飲町畦過栽蘭九畹秋紉佩織錦全機夜度梭
去國娉婷誰共載逃虛放曠自同科橘中儘有商巖樂
奈爾春愁鬢影何

顧氏綠陰亭

顧家亭子綠陰陰楊柳菰蒲岸岸深鷺下積陂明霽雪
鷺啼蘂薄度鎔金涼雲覆地苔粘屐踈雨沾衣露滿襟
境曠始知清晝寂舟行忽見白漚沉錦香承宇花如霧

星采當階月在林荷鑊課童栽藥物開窗倚水候梵音
湛癡元自能談易稽鍛何妨善鼓琴況是松醪釀初熟
公餘莫厭客同斟

周左丞玉雪坡

玉雪坡前一色雲更無純白鬪氤氲春回土脈孤亭在
山掩人家半路分鐵石崢嶸推宋相江湖冷落念番君
調羹佳實花時見斂笛清風原缺四字積硯坳留鳳味香飄
池上點鵝羣商盤字缺向坑灰冷原缺四字野火焚已翼廟謨

躋丙魏兼聞戶履有

原缺二字

腐儒

原缺五字

已老何殊辟蠹芸

俞石澗讀易處

先生註易隱南城漱石松風答澗聲式玉式金王度在
一寒一暑歲功成要參未晝須心悟洞徹羣疑貴理明
蔀屋見星元是晝寰瀛振柁可無程義精詎忍辭捫舌
樂大何妨枕曲肱雨露每滋庭草綠雲霞不礙曉山橫
成林詎舍千章木求友難忘百嚙鶯歲月推遷陳跡在
啟蒙長憶酒同傾

渡江

突起金鰲玉作圍
天於設險出神機
衆流不息朝宗意
元氣長浮落日輝
雲葉暗吹神女佩
浪花應濕定僧衣
魚龍不礙中流舞
鴻鴈能忘北首歸
桃葉翠顰楊子渡
麥苗青茁蒜山磯
不因慷慨投鞭衆
自是艱危擊節稀
總會華夷民阜雜
分征玉帛使舟飛
射蛟人去空英傑
化鶴仙來歎是非
西日柁樓仍浩浩
南冠髻髮故依依
書生閉戶堪終老
跋涉何勞與命違

書畫舫小集分韻得春字

雪舫夜寒虹貫日溪亭臘盡柳含春將軍結髮開全武
隱者逃名愧子真醉裏都忘詩格峻燈前但愛酒杯頻
毛羹青點沿牆薺斫鱸冰飛出網鱗稽古尚能窺草聖
送窮端欲致錢神周南老去文章在同谷歌終手脚跋
獨驚歸來還自笑聞雞起舞意誰嗔盍簪豈料有今夕
明日桃源又問津

橘隱為秦文仲賦

橘熟曾登隱者堂傲霜林薄爛青黃花時吐蕊珠成斛

叢晚抽條綠閨房千樹君封培植大慈闍母老孝思長

療疴欲得蘓家井受命難遷屈子鄉自以辟人甘獲落

字令登俎薦芬芳苞絨萬里深隨貢御宴羣臣手擘嘗

霜落原缺根盤林屋野蒼蒼齋廬並海寺字處原缺氣

氤原缺
三字

寄楊彥遠隱君

子雲家在讓王村昆弟三人行最原缺煩多屋宇醉鄉

元自有乾坤蒙天錫福身長健與物為春道自存瑞玉
墜枝桃結子翠幢羅葢竹生孫按歌親製縈雲曲教舞
長開待月軒藝足稻田青雨濛睡濃薇帳錦香溫不於
野隱慚雌伏政以朝趨怯駿奔比跡梁鴻脫塵網追踪
巢父洗心源佛香梵夾還投老取次毗邪不二門

輓牟縣尹

誰繼清忠最老成韋庵頭白氣崢嶸平生學術尊劉向
少日聲名葢賈生製錦老為溪上邑橫金晚致幙中評

高懷直欲吞餘子爽氣何堪發九京
絮酒益興霜露感書題重積死生情
羊曇慟哭青山路宿草萋萋夕照明

選鈞仲剛遊金陵

鈞衲來從日本東說法親曾授老龍
珠樹摘花抽藻思金膏潑水淬神鋒
玄機不發空中鏑信器應傳雨裏春
暫玩一輪吳渚月便依千尺定林松
江光宛似玻瓈合山色依然翠黛重
寒水但餘鷗泛泛荒臺無復鳳雖雖
霜凋錦樹存孤柏海湧青瑤見獨峯
未識笑翁空比擬

城樓月上忽聞鐘

僑吳集卷五

欽定四庫全書

僑吳集卷六

元 鄭元祐 撰

五言絕詩

石湖十二詠

石湖

滄波渺千頃何處覓鷗夷同姓千年後流芳著斷碑

新郭

闔廬創城郭徙傍湖山酒旆千家室今猶作市寰

拜郊臺

吳子築園丘祀帝存遺址魯亦取聖譏大禘同失禮

行春橋

醉擁捧心過韶華艷綺羅至今湖甯上彩霓卧滄波

越來溪

始由嘗膽鑿戰檻逐波通今日憑誰占漁家一笛風

觀音巖

碧潭通海眼崖設大士座宛如訪天台石梁飛度過

治平寺

雲塢蘊招提，開牕面湖渚。
時發鐘磬音，驚散沙鷗侶。

茶磨嶠

孤嶼突蒼翠，波環鬱盤盤。
誰嗜先春味，當來製鳳團。

楞伽塔

危峰聳浮屠，七級雕闌曲。
影落湖波心，魚龍駭常伏。

越公井

隋將移城時，鑿供萬夫飲。
清冷尋丈餘，倒浸青天影。

御書亭

勅賜宋名臣穹碑載奎畫至今孤亭中虹光照山白

紫薇村

公退紫薇省宅種紫薇花千樹臨山麓秋來粲曉霞

懷王敏德長者

清風起喬木虞麓浣花莊老我成長望平安字數行

懷亡友岳漢陽

白壁埋黃壤清風憶錦袍何當絮酒酌斜日下林臯

寄張景昭

舊宅桃花塢流波映草堂
睽離將二月聽雨在方床
梧竹蔭蕭齋苔花綠上堦
可堪春欲去捉筆遣吟懷

朱澤民山水

吹簫江浦秋舟蕩碧雲幽
擬遡巖松下詩盟訂白鷗

永定空衲者送茶

塵慮困春華蒙分穀雨芽
醍醐滋舌本清氣溢詩家

岳生畫竹

修篁含雨餘枝拂清風起掃破碧玲瓏高堂淨如洗

陳正孚畫

馮嶺少微星羣峯列帝青太邱親貌得巖壑想嘗經

高彥敬畫

千疊硯坳雲巖崖杳莫分圖餘清興在又為客書裙

過九里寺

湖邊法喜樓千頃冷涵秋吟遠維摩室風生杜若洲

李遵道新竹

逗土細行鞭
苔茵暖透穿
生生無限意
都屬薊邱仙

陳搏像

十年營一睡
醒起欲安民
忽睹金烏彩
還山遂老臣

雲林小景

雲起野橋西
層峰翠隔溪
欲尋清閼閣
古木壓簷低

王元章梅

明月西湖上
清光擬舊時
東風露消息
香雪滿南枝

子昂蘭

孤臣萬古愁湘渚水東流江芷汀離滿空令泣楚囚

子固水仙

仙姿艷玉肌輕拂五銖衣羅襪凌波去香塵蹙步飛

柯敬仲竹

羈栖江梅姿飛墨鬢如絲天遠鷺留影簣簣雨後枝

子庭古木

巨材千稔資特立僵挺挺東風吹不回雪厓水壑冷

明雪牕蘭

結跣向雙我濡毫成九畹襲佩芳馨多懷人江浦遠

六言絕詩

憶杭

湖山今古妍麗寢園此際荒涼春晚花開花落故交誰
在誰亡

淵明像

棄官亟返柴桑家資日付壺觴莫道先生長醉義熙年
號不忘

畫二首

六椽僦居避世一瓢淡飲怡情短褐少陵已往小冠子
夏復生

雪噴滿谿泉溜雲屯匝地松陰隔岸芙蓉千疊助我吟
詩撫琴

七言絕詩

懷徐士弘

錢唐湖上蓀騷遊一榻長為孺子留頭白無成兩漂泊

輸君天地一沙鷗

懷張天民

金壇郭裏掃塵齋移向宜興傍古槐
孫子讀書兒致養更無塵雜到苔階

張貞居神光樓看雨

東風吹雨弄新晴仙子樓居吹玉笙
不是春陰在簾幙已應顛倒落紅英

濛濛靈雨向東來曙色軒牕面面開
為愛條風吹潤綠

莫教人跡印蒼苔

碧雲千仞紫陽山都在東風化雨間
細與陽春同霖霖
岸花汀柳亦斑斑

贈製筆溫生

今春予入杭貞居張尊師方建神光樓葛井西師與
予知舊因留宿樓上對酒聯句予尚左不善書而師
之書知名天下予出句捷甚師捉筆便書然屢索輒
叱其弟子謂筆不佳最後出一枝上標溫國寶姓名

師乃喜曰是固揭學士所賞識予雖不善書見師用
筆書不已因取傍赫蹏小紙試之誠善筆也既還吳
國寶之子持行卷來首列揭公所品題而尊師獨缺
然夫揭公寓師樓居四月餘子得公品藻而遺尊師
可謂獲連城而失照乘矣行且入杭求師言以為重
因詩送之

神光樓上春聯句醉裏縱橫筆屢揮歸到吳中見蒙子
斯文微藝有神機

溫生有子能傳業鄭老無書可寄君他日製成壺領記
尚憑毛穎話慙慙

病中寄王叔明

跌宕王郎天馬駒宵蟠百篋外家書雨牕卧病三十日
裹飯何曾見子輿

陶靖節像

袖裏慚無博浪槌酒醒空賦稚桑詩悲涼一曲山陽笛
滿眼山河是義熙

謝太傅像

秦兵百萬壓東南，宗社安危已獨擔。
却置捷書棋局底，諸君猶認罪清譚。

病中寄光孝禪翁

我病在床身欲飛，棋鋒何日賭神機。
想應近日繙經後，只有青山到竹扉。

寄金山普納

金鰲背玉鬱藍天，長有神龍衛法筵。
午夜江聲推月上，

浪花如雪寺門前

畫

舒翫風林雲滿谿白駒空谷草萋萋相逢不作蘇門聽
應有長松鶴未棲

濯足清溪水已寒青山猶有此衣冠黃塵三尺烏靴底
誰與歸來把釣竿

水繚山迴深復深白雲茆屋住溪陰溪南十畝堪耕一
字何必囊中季子金

桂樹連蜷山石幽蕭然冠屨白雲秋只愁畏壘無尸祝
不愧長年為爾留

桃花源上蝶飛飛誤却漁郎苦欲歸雲白山青一回首
落紅如雨點春衣

仙人樓觀隔層霞隱者烟蘿便作家萬壑千巖何處是
停梳試問碧桃花

肥瘦二馬

獅子花驕蹴暖風滿臙如瓠氣如虹年來恣飽天開粟

金少卿詩集卷六
朔漠當收血戰功

百戰纔餘骨與毛
枯株倚着費抓搔
何人終惠還窮秣
拂拭風髮氣尚豪

叢竹圖

賦詩何處極幽探
多在青山海岳菴
一片綠雲塵跡斷
萬竿烟雨大江南

遊魚圖

潏刺春波荇藻深
方池容得五湖心
硯均更有神龍在

難邈商巖旱歲霖

題文山佩刀帖

逕露刀金柄屬誰空聞斷指血淋漓杜鵑啼暗江南月
臣甫年年淚雨垂

子昂臨東坡竹

戲墨王孫似子瞻雞棲石上著毵毵汴京回首西風急
流落江南共海南

東坡笠屐圖

得嗔如屋謗如山且看蠻烟瘴雨間白月遭蟊蝕不盡
清光依舊滿人寰

伏生授經圖

老無牙齒語音訛斷簡殘編缺字多不賴閨中賢弱息
帝王典則竟消磨

蘇武牧羊圖

飛鴻歷歷度天山何處孤雲是漢關不滴望思臺下血
君王猶及見生還

岳王廟

復得中原後殺身將軍未必恨奸秦甘將三百年宗社
君相偷安葬塞塵

武侯像

魚水君臣百世師風雲魚鳥識旌旗三分天下何經意
恨未中原復本支

讀碑圖

摩挲漢鼎采饒顒臣道為忠孝可移枉使南來五千里

越江漫讀孝娥碑

月夜懷十五友

庚寅中秋夜月色如畫而貧居溪渚因念晉人云感
念存沒心焉如割遂用東坡明月明年何處看詩平
韻賦詩懷友云

剡剡台躔映五雲通明殿上玉宸君今宵賞月延秋桂
滿袖天香不見分

趙宛邱

月華浮海綠烟收曾照神光湖上樓惆悵塵生白玉塵

詩盟從此負閒鷗

張貞居

屋角冰盤擁爛銀
清光千里不踈親
棄官歸去輕如葉
應念滄江有釣綸

李雲中

覽古樓高桂影寒
飛觴不厭接清歡
天香落盡黃金粟
軟語何由接夜闌

倪雲林

每念道人張一無
京塵填眼觸髑枯
師資賊害無人理
負子清光白玉壺

張文德

汲水秋風吹鴈聲
一時分省有更生
登高弔古中秋近

盖有危言答聖明

劉張掖

天章閣下月孤明仍是中秋此夜情
便到蓬萊宮裏住
謝安應便念蒼生

秦白野

芝雲如盖擁冰盤
攜得王珣午夜看
山色湖光秋十里
詩成應更刻琅玕

草堂賓王

闔閭城裏寄閒身
四壁秋蛩語近人
何異京華舊時月
清光且照白頭親

程敬初兄弟

月上溪頭樹影長
婆婆老子據胡床
九天風露歸來後

桑落園林酒正香

黃金華

飛雲樓上月華明
幾度中秋在帝京
却有錢郎揮翰手
倚闌橫笛最含情

王季野錢伯行

南來看月異常年
身在仙巖溪水邊
名簡帝心歸想近
清歌莫惜杖頭錢

張京兆

送張貢士

睢陽世緒邈如雲
君獨宵蟠錦綉文
莫為書裙散香墨
好據三策表奇勲

送處州杜同知

見說吾家光祿墳長松萬箇入青雲子孫為庶杭頭住
應立車塵候使君

含輝天上少微星曾照蒼蒼古枯城山水高深民俗險
不忘辛苦事巖畊

誰如別駕杜侯賢純吏心腸鐵石堅山坂高低時雨足
郡齋篝火看畬田

贈麗水治農少府

一寸山均一寸田高低巖溜接山泉
論升起稅斤稱穀此是山城大有年

牛羊日夕下山時出穴耽耽虎正饑
不是仁侯護羸畜麒麟折角獍梟肥

寄顏元卿院判

戶外梅花落峭寒牕前銀燭剪更闌
賈生只為憂明主華髮蕭蕭鏡裏看

年華汨汨可相饒魚躍春冰逆上潮
畎畝懷君不忘處

汲生難遠武皇朝

寄王可矩宗伯

江上羊裘把釣翁
一竿烟雨致時雍
客星祠下山千尺
不在雲臺彩畫中

昔年簪筆上瀛洲
萬里青雲映黑頭
相業要知霜後栢
承徒有楫濟川舟

寄沈存齋

終惠長歌瘦馬行
杜陵頭白淚縱橫
風雲滿地無春草

頃刻難忘向主鳴

寄倪雲林

經鉏齋外月娟娟
嘗照梅花紙帳眠
回首三年幾圓缺
塵埃堆塚白雲篇

劉功父漢川亭

玉峯深隱漢川君
安穩書巢卧白雲
天祿校書兒輩在
青山留為客書裙

虞學士小像為其姪孫堪題

光岳英靈蓋世雄
九天象緯貫心胸
六經文字關時運
韓柳孫丁又及公

紫芝眉宇鳳麟姿
自是文章百世師
何必凌烟畫冠劍
雲仍翼翼奉烝祠

郭天錫雲山

飛墨來從海岳菴
春風吹雨滿江南
青山肯被雲遮蓋
時聳尖奇一兩簷

朱澤民山水

樓觀參差山礪圻漁舟遠嘯出林梢白雲度盡千峯碧
鬻石幽人始定交

次泰監司提兵東廣留別吳中諸友韻

萬里南征瘴嶺過夜聞何處竹枝歌貂蟬原自兜鍪出
盍斬鯨鯢靖海波

白髮蕭蕭尚草元故人江海慰衰年功成佇俟歸來日
只在城南尺五天

寄宇文國相

精思亭上李文饒且袖經綸鎮海潮相業從容龍尾道
唐家復數中興朝

寄黃泰甫授經

姑蘇臺下雨聲寒舍館青燈語夜闌父子日為師友處
遺經不厭靜中看

風風雨雨百花洲何日春晴一醉遊滿日青山吟藉草
鷗夷未許獨扁舟

送陳元禮之杭

錢唐湖上鴈聲秋涼入明公紫綺裘庾信清貧何遜老
登臨難寫古人愁

青山遠郭候潮過今古興懷意緒多到夜令人尚無寐
彎彎月子竹枝歌

送何舉人北上

練川文學舊從游戶屢儒生學最優北上神京當六月
涼風桂子已含秋

聞說京師喜氣多萬家齊唱董逃歌塢金何日寬民賦

海宇頻頻望泰和

送僧還開先

廬山面目翠千層飛屨孤禪不壓登
絕頂倚雲無脚力
潭珠三伏洒寒氷

贈曹相士

魏武子孫誰尚賢
相人唐舉得真傳
王侯螻蟻知同盡
留取雙瞳鑑碧天

陸仲明居笠澤以卜養親裕如也詩以贈之

韓墅橋邊陸抗家
灼龜靈應足生涯
行人握粟遙相顧
虔奉慈親度歲華

事親能孝祇天知
母子團圓不皺眉
賣卜得錢勤孝養
菜羹香裏及時炊

顧定之竹

虎頭孫子顧參軍
八法縱衡寫墨君
龍伯由來寶湖石
鳳毛何事刷春雲

王元章梅

孤山無復看梅花寂寞咸平處士家
留得王髯醉時筆
歲寒仍舊發枯槎

虞勝伯畫雨竹


渭川烟雨綠漪漪公子飛雲出硯池
萬箇青琅秋一抹
高梢特聳鳳凰枝

館娃宮圖

複殿迴廊遶翠岑
鴛鴦嬌擁畫屏金
謾誇歌舞留君醉
千古人猶怨捧心

指瘡馬圖

原缺
一字瘡烏去未斜陽雨足春堤草正長摩擦樹根休枝
瘡明朝要爾戰沙場



僑吳集卷六